



Universitätsbibliothek Paderborn

Ars Semper Gaudendi

Demonstrata Ex Sola Consideratione Divinae Providentiae Et Per
Adventuales Conciones

Laetitiae Perfectae Artificium In Conscientiae Recta Efformatione
inuentum, & per Adventuales Conciones expositum ac demonstratum

Sarasa, Alfonsus Antonius de

Antverpiae, 1667

Conscientiam de actionis suae malitiâ, id est practicè dubitantem, eam
permittere non posse. In speculatio autem dubio quod superari non
potest, Conscientiam ex possessione & juris praesumptionibus, ...

urn:nbn:de:hbz:466:1-11367

TRACTATUS VI.

DE CONSCIENTIA DVBIA.

Omne quod ex fide non est, peccatum est. *Ad Rom. 14. v. 23.*

Conscientiam de actionis suæ malitiâ, id est, practicè dubitantem; eam permittere non posse. In speculatio autem dubio quod superari non potest, Conscientiam, ex possessione & juris præsumptionibus, in omnium Virtutum materiâ rectè efformari.

P R O O E M I V M.

Cur Conscientia vocetur aliquando dubia.



Uamuis Conscientia dubia verè proprieque dicta Conscientia non sit, vt antè me dixisse memini; quandoquidem Conscientia, actus sit de actione suâ iudicantis animi; dubitatio verò sit hæsitatio quædam suspensioque iudicii, vt mox explicabo: tamen quia circa res dubias, quæque nullum in alterutram partem consensum extorqueant, versandum est sæpenumerò, de quibus tamen Conscientiæ iudicium certum exigitur, idcirco Conscientiam dubiam vocant Theologi: non quòd dubiam in rebus agendis vnquam sententiam ferre possit, quam licitum sit executioni mandare; sed quòd incertæ sæpè res sint, dubiæque bonitatis aut malitiæ, de quibus tamen certum quid est statuendum, an executioni mandari debeant, an verò sint penitus rejiciendæ. Dicendum est itaque, quâ ratione in dubiis quæ proponuntur actionibus, efformandum sit Conscientiæ dictamen, quod sine crimine amplecti liceat, & impunè etiam à dubitante exhiberi.